



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ivdicivm Revolvtionis Anni, M. D. LIII. & trini aspectus
capitis Medusae & Martis**

Basilicus, Jacobus

[S.l.], 1554

VD16 ZV 1094

Praefatio Michaelis Caelii.

urn:nbn:de:hbz:466:1-12517

T. C. solatium aliquod afferrem, ostenderemque
spem adesse bonis ac innocentibus, qui hactenus ab
alijs oppressi iniustissime fuerunt, eos aliquando tan-
dem uitam suam, a maioribusq; longissima serie reli-
ctam dignitatem fortunamq; Deo adiuuante, receptu-
ros esse. Volui etiam hac occasione meam spem cum
tuae clarissimae dominationis futurae felicitate coniun-
gere. Hoc igitur tenue meum studium & scriptum,
ut benigne accipias suppliciter & reuerenter, te pi-
entissime Domine ac patrone oro. Vale multis sae-
culis felicissime, atq; nos tuo patrocinio olim com-
mendatos seruato. Ex Mansfeldia 16. Ianu. Anno
a nato Domino, 1554.

PRAEFATIO MICHA- ELIS CAELII.

DULCISSIMA PROfecto VOX
est Filij Dei, & plena consolationis, quam so-
nat per Prophetam, dicens: Viuo ego nolo
mortem peccatoris, sed ut conuertatur & uiuat. Si-
gnificat enim se Deum esse non perdendi, sed saluos
faciendi, ut Psalmus inquit, tantum ut resipiscentes ad
se se conuertantur: Neq; uero hanc nostram conuer-
sionem requirit Deus tantum per ministerium Eccle-
siasticum, sed etiam omnes creaturae, maxime uero sy-
derum positus testari uidentur, se in eum finem con-
ditos,

ditos, ut nos commonefaciant, Deum acerrimum iudicem esse peccatorum, & rursus placidum & benignum erga eos, qui resipiscentes, uera fide in Christum eum inuocant. Cum igitur acer ac diligens animaduersor syderum, Nobilis & artium Magister, Iacobus Vasilicus, qui turcica tyrannide ex Graecia pulsus, nunc exul est in aula Mansfeldina, apud inclytum & generosum Comitem Albertum, à quo & pie ac benigne tractatur, magna ingenij sagacitate cognouerit, in reuolutione istius quinquagesimi quarti anni, ultra sesquimillesimum à nato Christo seruatore nostro, tantas ac tales fieri coniunctiones Planetarum & positus syderum: Quales retro à seculis multis non fuere, nec forte futuri sunt, Nihil dubitandum est æternum Deum, sua prouidentia istos syderum positus sic ordinasse, ut huius seculi homines, in quo indies omnis generis flagitia & iniquitates crescunt, ad ueram poenitentiam reuocentur: Et ut agentes poenitentiam, extollerent capita sua, sperantes redemptionem suam, cum corporum, tum animarum. Reliqui uero, luentes poenam delictorum suorum, sua culpa id accidere faterentur. Adeo ut uerum maneat quod premisimus, Deum magis uelle uitam, quam mortem peccatorum, & omnes qui pereunt, sua non Dei uoluntate perire. Christe fili Dei uiui governa nos spiritu S. tuo, ut admoniti tuo uerbo, signis ac creaturis, te solum Deum agnoscamus & ueneremur, una cū Patre et spiritu S. Amen.

TRA